

## Besuch

Eck kaum von Obehd. Om Deschke enne groote Stuw, soht ons Gost.

Ein schmachtja Maun, en onsrem Ella - seja frindlich. Wi begreiste ons.

-„Endlich sij eck en Dietschlaund ! ! Eck haud mi vejenuhme tu spoore en bi eschte Jelegenheit nu Dietschlaund tu fore,om tu kicke wi ji, Dietsche,dort lewe, wi dot jund jeit.“- !- freidig sehd hei.

Wie wulle veel höre ewe onsre ohle Heimat, ewa dot Laund, wot onsre Uropasch, Opasch erobert, onsre Elre en Wie bet tulatzt bewirtschaftet haude. Op jidre onsre Frog gauw hei eine Ontwud. Ons Gaust fetallt uk ewa dei Hungasnot, dei utjebrocke weh em 1998 Joh en dijjet bet 2004, nu dem, wie Dietsche, olle nu Dietschlaunt jefoure were, en wi schwoh dot wej wada huch tu kumme.

Mie kaum olles hoch. Eck versadt mi trijg en dei Tiet, ols wie noch do wuhnte.

Ons Laund !!!!

Kolde Wintasch, heite Somasch, gevlegte Hisa met Godes, seha grein!!! Hohe Ernte, veel Veh op de Weiden, Felda wie Teppiche, klora, bloa Himmel. Met Kopp en Seele honge wie on ollem, wot do weh.

Velet es jewese! Tu dei Tied lewde dei Lied sich scheen, haude von aulem en were sich ziemlich secha,dot sei uck ein Aundeil hode on aullem wot jedaid bet dissem Dach. Dot docht maun en en volla Tufredenheit spehd man nich wie ewa ons sich eine dunkle Wolk saumelte.

Ein jeweinlicher Sommadach.Paul weh schon ut dem Hus.

Dot weh Erntetiet, dowejen wurd tiedich aunjefonge oppe Stapp dot Hei (Heu)tu haue.

Eck brocht dei Kinga tum Kinjagoode en ging uck op Obehd.

Olles weh wie emma. Dei Sonn klattate wie op der Lada emma hecha en hecha en stouk boult schon so, dotet richtig heit wurd.

Gegen Meddach, wie ein Blitz, flouch eine Nuhrecht dot Darp rom, dot ut dem Kingagoode ein Kind veschwunge we. Tu escht foua(fuhr) mi ein Schrack derch, weil onse Kinga uck en dem Kingagoode were.. Uba nu dem Aunroupe weh eck someja beruhigt. Wach weh ein Kurgiseméckske 5 Johre olt. -„ Dot wot sich schon finge, wo soll dot bliewe „ – beruhigt eck mi en so docht uck ein jidra.Milize sochte, Lied, dei dicht om Kingagooge wuhnte, wurde befragt, op dei nuscht obfalliges jesehe hode.

Dei Tied ging. Schon wej dei Obetztied rom en eck, met onsre Kinga, were wada Tus. Aulles weh onruhig, weil dot Meckske wej emma noch nich gefunge. Ewa dot Darp hong ein schwota, grotta Schaute (Schatten)von Angst.

-„Wot es passiht?“- frauch man sich. En kreich keine Auntwuud.

Wie wuhnte op dei Gauß, dei tum Kjockhof fehd. Nu Sonnunjagang ginge dei Lied de Gräwa tu jeite Dei glejende Sonn haud dei Ehd utjedrecht en domet dei Bloume auf den Gräwern nich vederrde en uck ver dem nächsten Dach Feuchtichkeit houde, musste man schon aulles bewessre oda jeite.

Ols eina von den eschten, met dem Amma en dot risijes Jefäß nu Wutta schappte, spehd hei, dot do bene wout schwammt. Wot ein Schrack! Dot weh dei Leiche von dem veschwundenem Kind

Dot wurd dei Militz veschtendicht. Do saumelte sich Mensche.

Olle were sich secha, dot allein kun dot Kind do nich nenjefolle sene. Eina hawt dot do nenjeschmeete.

-„Oppem Dietschem Köckhof! Sull dot eina von ons jewese senne? Uba onse Mensche doune sound doch nich!“

Jidra speeld met dei Jedanke. Nuscht stunt faust uba ols Täta wurd ein Dietscha enjestuwwt.

-Dot bildete sich Gruppe von junge Kirgiese Benjels en Manna dei op Peed

derche Gooße jogte en Steina en de Fenstre von Dietsche schmeite. Dei Geißle piepte enne Loft. Von wiet wer tuhere dot lude Jebrell „ Wie schlune jund doot, Dietsche“, „wie schlachte jund ut“!. Aulle Europea vekroupe sich enne Hiesa.

Noch lang saje wi, wi Lied stunde unga dei Laump oppe Gooß. Dan wurd aulles stell. Zu Morgens sejd man ons, daut dei Täta weh hefunde, en dot dot eine Kirgisische Lehrarin jeduhne haud. Wi, dietsche, udemte leicht op. Von ons weh dei Stein von Hoot jevolle.

En nu, bi Jelejenheit, wull eck doch mul weite, waut man met dei Fruh jemockt haud. Eck frouch donu onserem Gaust.

-„Eck weit nich“- ontwudete hei en wull dorewa nich wieda rede.

Mie, wi uck bestemmt jidrem von ons Dietschen, dei dot metehleewt habe, deid dout seha weh!

Es ne jewesse Tiet verguhne nu dem wie, Dietsche utjereisd send. Aulladings –aulle Dietsche!!! Siene Stemm klung verwundat en ziemlich truhrich: -“Worum send ji oula wachjefoare, haud jie dot doa woll schlacht met ons?“ – froag hei. Eck weh stell. Mie vehlte dei Weeda.

Dei Tiet wo onsa Gaust bi ons weh veging. Dot we nu so wiet Auufscheid tunehme. Hei bedankt sich seja en meinte biem rutguhne:- „Wann woh wie sou scheen lewe wie Jie?“

-„Jie hawt doch scheen jelewt met ons! - auntwudete eck.

- nu mock jund dot Lewe scheen selbst!“ – rutschtet bie mi einfach rut.

Ons Gaust es glecklich Tus aunjekumme. Am hawtet en Dietschlaund jevolle. Tus hawt Hei vetallt dot hei em „Märchen“ jewese es.

Februar 2014j.

Margarita